

Ungkupka belanja ba R&D

Sebarang industri patut ngenukuka asil ari pansik sekalika enda pengulih nya senipak enggau penguna

Dikarang Rengenyan Labang

KOTA SAMARAHAN: Raban pemansik patut chakah ngemeran sereta ngemeraatka pengawa Pansik enggau Pemansang (R&D) ba sebarang industri nyengkaum pengawa penukuh enggau pengemanah.

“ Sebedau dikemeran, R&D ti deka dikenā enda tau enda ditukuka dulu sekalika senipak enggau industri tauka penguna. **”**



KE PENGINGAT: Khairuddin (dua kiba) nyuaka tepa ngagai Ahmad Zainuddin (dua kanan), seraya dikemataka Chairman 1st ICDI 2012, Professor Dr. Khairul Aidil Azlin Abd Rahman (kanan).

Datuk Fadillah Yusof
Sapit Menteri Sains, Teknologi enggau Inovasyen

Sapit Menteri Sains, Teknologi enggau Inovasyen Datuk Fadillah Yusof madah, sebarang industri patut ngungkupka belanja ke patut ba pengawa R&D.

Iya ngarapka nengah 1st International Conference on Design & Innovation 2012, ti berambika leka jaku ‘Sustainable Ground’ ulih ngerapitka kaul menua tu enggau menua tasik.

“Sebedau dikemeran, R&D ti deka dikenā enda tau enda ditukuka dulu sekalika senipak enggau industri tauka penguna.

“Pengawa nukuh enggau pengemanah dikumbai enda chukup enti R&D meruan

dipejalai dalam makmal pemansik, sereta dichelak nyadi jurnal maya aum.

“Ngarapka aum tu nyadika pelasar endur semua penyeraeta nyengkaum nembiak institut pelajar tinggi, institut pemansik enggau industri bekaul enggau pengawa ngemataka baru, bejurai-ka penemu, randau enggau pemenuku pengawa nukuh enggau pengemanah.

Fadillah mansutka penemu nya ba teks jaku iya ti dibacha Presiden Majlis Rekabentuk Malaysia Profesor Dato Dr Ahmad Zainuddin ba penggerami bejadika 1st International Conference on Design and Innovation, 2012, ke diatur ba Dewan Mutiara, DeTAR PUTRA Universiti

Malaysia Sarawak (UNIMAS) ditu, kemari.

Lebuh nandu, iya madah, ukai semina di Malaysia tang serata dunya agi betapi enggau pemalat penanggul berindik ari pengawa nukuh enggau pengemanah.

Engka amat menua kitai kurang ngeluarka belanja dikenā bejalaika R&D enti dibandingka enggau menua bukai ti udah jauh mansang sereta bulih penguntung ari ngenukuh enggau pengemanah, tang nya dipelaba ketegal bisa takah penyambung enggau kaul, ku iya.

“Ngarapka nengah aum tu, penyeraeta bepeluang negutka kaul enggau pengemanahka penemu raban bansa asal pasal pemanah, penelap enggau

jerita rampa menua ba Pulau Borneo, sereta ngembuan peluang pengawa pemasik sereta kerejasama ba pengawa nukuh enggau pengemanah jemah ila,” ku iya.

Berebak enggau tu, Naib Canselor UNIMAS Prof. Datuk Dr Khairuddin Ab Hamid dalam jaku pengelalu madah, nya aum keterubah diatur Institut Reka Bentuk dan Inovasi (INDI) UNIMAS, ke dikearap ulih nyadi pelasar bekunsi penemu asil pemansik enggau inovasyen ti pemandu baru.

“Aum nya ulih nyadika pelasar pemansik enggau kaban akademik berandau sereta betukar penemu enggau raban profesional ari macham bidang seni, sains enggau teknologi.